



ALTERNATIV DEMOKRATESCH
REFORMPARTEI

Groupe parlementaire

Här Mars di Bartolomeo
President vun der Deputéiertechamber
19, um Krautmaart
L-1728 Lëtzebuerg

Lëtzebuerg, den 13. Abrëll 2015

Här President,

Sou wéi d'Chambersreglement et virgesäit, bieden ech Iech, dës parlamentaresch Fro un den Här Staatsminister weiderzeleeden.

D'Plattform „Minté“ regroupéiert eng ganz Réi Organisatioune déi sech fir d'Ausländerwalrecht asetzen. Dorënner si vill Organisatiounen, déi direkt vum Staat ënnerstëtzt an / oder subventionéiert ginn. Esou fléisse Mëttele vum Staat an d'Campagne fir de Jo.

Et hunn och Bierger sech spontan an Initiativen zum Nee zum Ausländerwalrecht zesumme gedoen, z.B. d'Initiativ Nee zum Ausländerwalrecht déi um Spaweck d'Säit nee2015.lu bedreift.

Dowéinst wéilt ech dem Här Staatsminister dës Fro stellen:

Ass d'Regierung bereet, am Kader vun enger neutraler a fairer Debatt ëm d'Fro zum Ausländerwalrecht, och Initiative fir de Nee finanziell ze ënnerstëtzen?

Mat déiwem Respekt,

Fernand Kartheiser
Deputéierten

Här Mars di Bartolomeo
President vun der Deputéiertechamber
19, um Krautmaart
L-1728 Lëtzebuerg

Lëtzebuerg, den 13. Abrëll 2015

Här President,

Sou wéi d'Chambersreglement et virgesäit, bieden ech Iech, dës parlamentaresch Fro un d'Madame Minister fir Kultur, un d'Madame Familljeminister an un den Här Banneminister weiderzeleeden.

D'Plattform „Minté“ regroupéiert eng ganz Réi Organisatiounen, déi sech fir d'Ausländerwalrecht asetzen, dëst am Kader vum Referendum vum 7. Juni. Déi allermeescht vun dësen Organisatiounen setzen sech traditionell fir d'Rechter vun Ausländer an, woumat si eng Legitimitioun hunn, fir an dës Debatt anzegräifen.

Zu den Organisatiounen, déi an der Plattform regroupéiert sinn, figuréiert awer och d'UGDA (Union Grand-Duc Adolphe), eng kulturell Daachorganisatioun vun alle Museksveräiner. Do muss een eigentlech dovunner ausgoen, datt si sech generell politesch neutral soll verhalten, dëst och an de Froen zum Referendum.

Duerzou kënn, datt d'UGDA finanziell vum Staat ënnerstëtzt gëtt, dëst vum Ministär fir Kultur, vum Ministär fir Famill an Integratioun a vum Banneministär.

Dowéinst wéilt ech der Regierung dës Froe stellen:

- 1. Ass d'Regierung der Meenung, datt reng kulturell Organisatiounen, déi vun der Regierung finanziell ënnerstëtzt ginn, sech net däerfen als Organisatioun u politeschen Debatte bedeelegen?*
- 2. Ass d'Regierung net der Meenung, datt iwwert dëse Wee géint d'Neutralitéit déi d'Regierung a Saache Referendum a Fro gestallt ass ?*
- 3. Ass d'Regierung bereet, net politesch Organisatiounen an Associatiounen, déi finanziell vun der Regierung ënnerstëtzt ginn, drop hinweisen, datt se generell an speziell an de Froen zum Referendum sech sollen neutral verhalten.*

Mat déiwem Respekt,



Fernand Kartheiser
Deputéierten



ALTERNATIV DEMOKRATESCH
REFORMPARTEI

Groupe parlementaire

Här Mars di Bartolomeo
President vun der Deputéiertechamber
19, um Krautmaart
L-1728 Lëtzebuerg

Lëtzebuerg, den 13. Abrëll 2015

Här President,

Sou wéi d'Chambersreglement et virgesäit, bieden ech Iech, dës parlamentaresch Fro un den Här Bausseminister, un den Här Landwirtschaftsminister an un d'Madame Familljeminister weiderzeleeden.

D'Initiativ "Moselle Diversity" mécht op hirer Spaweckssäit oppen eng eesäiteg Reklamm fir d'Ausländerwahlrecht. Déi Initiativ weist ënner hire Partner de Fändel vun der Europäescher Unioun, de Symbol vun der OLAI, dee vum Landwirtschaftsministère an dee vum Familljeministère.

"Moselle Diversity" gëtt och vum Landwirtschaftsfong vun der EU ënnerstëtzt.

Dowéinst wéilt ech der Regierung dës Froe stellen:

- 1. Ass d'Regierung där Meenung datt d'Europäesch Unioun sech direkt oder indirekt därerf an d'Referendumscampagne amëschen?*
- 2. Wëll d'Regierung géintwuer den Institutiounen, Organer an aneren Emanatioune vun der EU däitlech maachen, dat Lëtzebuerg sech all Amëschung a seng Saachen, wéi z.B. d'Walrecht fir d'Chamberwale verbitt?*
- 3. Wëll d'Regierung an d'Referendumscampagne eesäiteg an direkt agräifen, wéi d'Ënnerstëtzung vu "Moselle Diversity" an hirer Propagandacampagne fir d'Ausländerwahlrecht et ze weise schéngt?*

Mat déiwem Respekt,

Fernand Kartheiser
Deputéierten

Groupe parlementaire

Här Mars di Bartolomeo
President vun der Deputéiertechamber
19, um Krautmaart
L-1728 Lëtzebuerg

Lëtzebuerg, den 13. Abrëll 2015

Här President,

Sou wéi d'Chambersreglement et virgesäit, bieden ech Iech, dës parlamentaresch Fro un den Här Banneminister an den Här Schoulminister weiderzeleeden.

D'Gemenge Betzder, Biwer Bous, Fluessweiler a Jonglënster organiséieren den 28. Abrëll eng Informatiounsversammlung mat Diskussiounsronn zu dem, wat si "Awunnerwahlrecht" nennen, also d'Wahlrecht fir Ausländer (vun deene Gemengen "Net Lëtzebuerg" genannt). Dobäi goufe keng Géigner vum Ausländerwahlrecht invitéiert. Et handelt sech also ëm eng vollkommen eesäiteg Propagandaveranstaltung fir d'Ausländerwahlrecht.

An dem Kontext wollt ech dem Här Banneminister an dem Här Schoulminister dës Froe stellen:

1. Ass d'Regierung der Meenung, datt Kollektivitéiten, Institutiounen oder Organer vun ëffentlechem Recht, wéi z.B. Gemenge, Schoulen an esou weider, bei Evenementer mat politeschem Charakter un eng Neutralitéitspflicht gebonne sinn an sech em Objektivitéit an Ausgeglichenheet musse beméien?
2. Wa jo, ass d'Regierung bereet, d'Gemengen an d'Schoulen ze invitéieren, sech bei Evenementer vu politeschem Charakter, déi si organiséieren, ëm Objektivitéit a Neutralitéit ze beméien?

Mat déiwem Respekt,



Fernand Kartheiser

Deputéierten